



Asili Mbili Zilipatana

Katika Mmoja

Maana ni hakika, hatwai asili ya malaika, ila atwaa asili ya mzao wa Ibrahimu. Hivyo ilimpasa kufananishwa na ndugu zake katika mambo yote. —Waebrania 2:16, 17.

Je, asili ya kibinadamu ya Mwana wa Mariamu ilibadilishwa hadi kuwa asili ya Mungu ya Mwana wa Mungu? La; asili mbili zilipatanishwa kwa namna isiyoelezeka katika nafsi moja — mwanadamu Kristo Yesu. Katika Yeye kulikuwa na ukamilifu wote wa Uungu kimwili. Kristo aliposulubishwa, ni mwili Wake wa kibinadamu uliokufa. Uungu haukushuka katika ufu; hilo lisingewezekana. Kristo, Yeye asiye na dhambi, atamwoko kila mwana na binti wa Adamu anayekubali wokovu aliopewa kama zawadi, akikubali kuwa mtoto wa Mungu. Mwokozi ameinunua jamii iliyoanguka dhambini kwa damu Yake Mwenyewe.

Hili ni fumbo kubwa, fumbo ambalo halitaeleweka kikamilifu, katika ukuu wake wote hadi pale watakaokuwa wamekombolewa watakapokuwa wamebadilishwa. Ndipo uwezo na ukuu na kufaa kwa karama ya Mungu kwa mwanadamu kutakapoeleweka. Lakini yule adui amekusudia kwamba karama hii itakuwa yenye kutatanisha kiasi ambacho itakuwa kama si kitu (The S.D.A. Bible Commentary, Ellen G. White Comments, vol. 5, 1113).

Tutakutana na mawazo ya uongo. Kamwe, kamwe hatuwezi kudiriki kuweka imani yetu katika ukuu wa binadamu kama ambavyo baadhi wamekwisha kufanya, wakiwatazama watu kama malaika mbinguni walivyomtazama Lusifa mwasi, na hivyo hatimaye wakapoteza hisia ya kuwepo kwa Kristo na Mungu.

Ni nani kwa kutafuta aweza kumwona Mungu kikamilifu? Injili ziliwasilisha tabia ya Kristo kama iliyo kamilifu bila kikomo. Ninatamani kuzungumzia hili ili dunia nzima ipate kusikia lengo la utume na kazi ya Kristo....

Kristo alisema, “Mwayachunguza maandiko, kwa sababu mnadhani kwamba ninyi mna uzima wa milele ndani yake; na hayo ndiyo yanayonishuhudia.” Mateso ya Mkombozi, unyenyekevu wa tabia Yake ya kibinadamu — kimungu, haviieleweki, na hivyo wema Wake hautendwi. Hazina za ujuzi unaopatikana kutoka kwa Mungu ni nyingi mno.

Watu wenye karama sana duniani, wote wanaweza kufanya kazi kubwa, tangu sasa hadi siku ya hukumu, kwa ajili ya uwezo wote waliopewa na Mungu katika kuiinua tabia ya Kristo. Lakini licha ya hivyo, bado watashindwa kumwasilisha kama alivyo. Fumbo la ukombozi, linalojumuisha tabia ya Mungu-Mwanadamu ya Kristo, kuwa Kwake mwanadamu, na upatanisho Wake kwa dhambi, linaweza kushughulisha kalamu na akili za hali ya juu za watu wenye hekima kutoka sasa hadi Kristo atakapofunuliwa mawinguni kwa nguvu na utukufu mkuu. Lakini hata kama watu hawa wangetafuta kwa uwezo wao wote kutoa taswira ya Kristo na kazi Yake, taswira hiyo bado ingekuwa chini sana ya uhalisia....

Mada ya ukombozi itazishughulisha akili na ndimi za waliokombolewa milele. Mwangaza wa utukufu wa Mungu utaangaza milele kutoka kwenye uso wa Mwokozi (Letter 280, 1904).